

治標衆志成城專責守令所以本治安民禦寇本無奇謀此臣
靖猷之初不能不首爲三秦請命者爲秦也亦所以爲天下也
俯乞皇上俯賜採擇施行

緩徵疏

苟好善

慨自國難作而海內之物力半竭之於加派迨一加再加而終
歲勤動之所入僅足以供輸納庶幾曰天子有道在泮獻馘獨
免其有期乎奈之何昊天不弔内外交訐榆關之枕戈未撤潢
池之弄兵又起師行糧從勢不能枵腹制敵試問此二十年來
軍前之轉輸豈盡神運雨粟總之此閭閻之膏脂耳非膏脂也
皆百姓之膏妻賣子有司之敲骨吸髓泣盡而繼之以血者也

讀家典卷之三

卷之二 藝文一

五 西安西山書局代印

民力幾何能堪日日而誅求之况乎水旱頻仍荆生師處雖有
好義之民忱於吏呼之怒其如骨髓之已乾何既多逋負不得
不嚴考成始而以百姓累有司今且以有司累藩省矣始猶責
爵夫州縣今且嚴譴及司府矣頃如浙江布政姚永濟等淮安
知府周光夏等俱以考成參爵革職提問夫司農告匱脫巾可
虞即皇上之赫然震怒削職鑄級豈曰太苛第此司府諸臣非
能點金以急公也不過還問之百姓恐諸臣奉行之過功令繩
於上覆轍鑿於前肆其桁楊之威以洩忿於小民挺而走險不
盡驅而爲盜不止者蓋有司非盡甘不肖也小民非果盡無良
也天之所生地之所產與夫人力之所經營不過此數乃一歲

之中有見徵有帶徵有預徵正賦之外爲買馬爲買草豆爲買
麥米爲造槍銃爲買硝磺鉛子即有心計之臣如桑孔輩出斷
非能取諸其宮中也次第而剝削之總以虐此窮黎皇上如天
好生何嘗不刻刻恤此下民賑濟之使靡歲不遣科擾之禁未
嘗不嚴即頃者諸臣之被譴固亦不得已之苦心懲一以儆百
耳乃臣則非爲諸臣惜也恐在外之望風承旨借明旨以摭尅
者不少也試取庭廡枯槁之民纍纍囚繫披枷帶索血肉淋漓
之狀繪而呈之於御前皇上省覽之下必有秋歎淚下廢食而
不忍見者矣又安忍驅無辜之赤子以供有司之敲朴哉懇乞
皇上普光明之燭破借端之奸沛然發德音下明詔凡江北極

讀家典卷之三

卷之二 藝文一

六 西安西山書局代印

災極疲之地江南賦重逋多之鄉量與寬緩而又嚴禁有司之
鞭朴其有借明旨以潤私囊逞恣睢以博風力者許所在撫按
據實糾參庶子遺不至具燼而人心尙可收拾耳不然啼饑號
寒之聲囑於室追呼怒捉之吏促於門爲盜者子女金帛之奢
享爲農者剝肉膚瘡之不恤傷心慘目翳然喪其樂生之意而
乃欲其念念在公帖然無譴此慈父所不能得之於子者安望
蚩蚩之氓盡諒皇衷之非得已哉况乎江南之賦稅盡是本色
一郡之所徵倍於一省而且轉運幫帖之苦率數倍而始致一
鐘且其人性器浮而易動設一旦以不肖有司激之成變其所
費於撲滅補救者當更多也語云竭澤而漁非不得魚將無魚

臣竊爲國家慮之矣抑臣更有請焉皇上憫念臣鄉發數萬之帑金以惠三秦父老扶杖感激泣下此浩蕩之恩數世而不一遇者秦人乃三邀之也誰爲有心無胸敢忘啣結於世世第臣以爲秦地遼寥秦民散處深山窮谷之中安得盡沾雨露即使爲有司者人盡卓魯不敢乾沒染指層累而下之涓滴未足活涸鮒也而況其未必無私乎何如就今之所應徵者照數減派照數扣抵即以公帑之賜還作公家之用其所省於小民者較多抑亦得人人沾皇上之實惠也當事諸臣知必同有此心仍祈天語之下頒以終惠此秦民更不辜朝廷之德意耳

清

續修醴泉縣志稿 卷一 藝文一 七西安西山書局代印

請豁醴泉龍泉里一三兩甲荒糧疏 陳宏謨

竊查陝西西安府之醴泉縣有龍泉一里逼近涇河人烟零落所種土田皆在險嶺溝坡之下地勢險仄屢被水冲石壓該里一三兩甲共地一百七十九頃四十四畝零內山坡嶺側尙堪耕種者八十五頃一十六畝五分零其餘地九十四頃二十七畝七分零俱係荆棘叢生沙石盤錯人力難施牛工無用久成廢地不能墾種此項荒地相沿額賦共科本色糧六石九斗八合零折色糧六十三石一斗八升五合零該折征銀七十七兩八錢四分一釐零均係銀六兩一錢五分七釐零現今兩甲民人共止四十餘戶男婦大小丁口一百餘人穴山而處生長陰

山之內水土不佳腿跛腰曲殘疾居多鵠面鳩形艱苦萬狀每年賠此九十餘頃之荒糧惟賴賣柴編籠苦力支持積年完納不前即借給牛種另招墾戶而地不可墾人俱裹足現在人戶幾難存住屢經迫切呼籲請豁該管道府知縣巡歷其地目擊荒涼苦難情形先後稟詳到臣臣節次批行布政司委員會同踏看並查通縣有無未墾荒地可以開墾撥抵議詳去後茲據布政司定委員詳加確勘前後荒地現在沙石盤錯不能墾種所有荒糧並無未墾之地可以開墾撥抵取具印甘各節造冊詳請照例豁免前來臣查糧賦出於田畝山田難以播種原有豁除之例前項荒地既係不能墾種又無可以撥補之地該處居民每年賠納銀糧力實難支情堪憫恤仰懇皇上天恩特頒諭旨俯將醴泉縣龍泉里一三兩甲不能墾種荒地額徵本色糧六石九升八合零折征均係銀八十三兩九錢九分八釐零以乾隆十五年爲始准予豁除則此數十戶窮黎永無賠糧之累可以安居守此墾熟地畝照額承糧矣臣謹會同陝甘督臣尹繼善合詞具奏

以上見蔣志

請將守舊禮臣立賜降斥疏

宋伯魯

竊臣伏讀四月二十三日諭仰見皇上赫然發奮圖新自強而尤垂意於學校外交兩事此誠儲材之急務保邦之遠猷也

臣惟禮部為學校總匯之區總署乃外交鈐鍵之地必得人以為理始措置之得宜竊見禮部尚書總理各國事務大臣許應騫品行平常見識庸謬妄自尊大剛愎凌人禮部為文學之官關繫極為重大國家學校舉貢之制多由核議皇上既深惟窮變通久之義為鼓舞人材起見特開經濟特科歲舉兩途以廣登進許應騫庸妄狂悖腹誹朝旨在禮部堂上倡言經濟科之無益務欲裁減其額使得之極難就之者寡然後其心始快此外見有詔書關乎開新下禮部議者其多方阻撓亦大率類是接見門生後輩輒痛詆西學遇有通達時務之士則疾之如讐皇上日患經濟之才少而思所以養之許應騫日患經濟之才

續修醴泉縣志稿 卷十二 藝文一 九西安西山西書局代印

多而思所以遏之臣不解其何心也總理衙門為交涉要區一話一言動易招釁非深通洋務洞悉敵情豈能勝任許應騫於中國學問尙未能十分講求何論西學而猶鄙夷一切妄自尊大其於傷邦交而損國體非細故也臣以為許應騫既深惡洋務使之承乏總署於交涉事件一毫無所營益而言語舉動隨在可以貽誤宜令即行退出總理衙門實為慎重邦交之道禮部總持天下學術皇上方諄諄戒諭令天下講求時務以救空疏迂謬之弊而許應騫以空疏迂謬之人廁乎其間日以窒塞風氣禁抑人才為事致聖意不能宣達天下無所適從宜解去部職以為守舊誤國者戒伏請皇上天威特振可否將禮部尚

書許應騫以三四品京堂降調退出總理衙門行走庶幾內可

以去新政之壅蔽外可以免鄰封之笑柄所關似非淺鮮臣愚昧之見是否有當謹合詞具奏伏乞皇上聖鑒

前 人

竊維御史一職為朝廷耳目之官耳目之於人耳司聽而目司視而皆効命於天君耳目聰明乃為敬用耳目壅蔽即為委形然則御史之於朝廷目有所見固不可佯為不見耳有所聞又豈可壅於上聞臣新忝此職夙夜兢兢惟以不稱職為慮凡耳目之所未及者既不敢率意妄言而所能及者又或無關重輕而不足以煩天聽惟近日太監李長才滋事一案諒旨交部從

續修醴泉縣志稿 卷十二 藝文一 九西安西山西書局代印

嚴懲辦外間傳言僉謂我朝立法超越千古該太監必難倖免愚民無知或私相告語爭訪部擬以冀大快人心迄今多日未知該部如何定擬而外間又復傳言此案為首李長才係太監李連英之姪故李連英從中周旋欲從未減云云愚民信口妄談不知何據臣竊以為列聖有訓皇上有旨刑部有法其應減也不待李連英之周旋也其不應減也李連英安得而周旋之然而物議紛紛如出一口雖係不根之詞究屬駭人之論臣又竊計案關太監尋衅為耳目之所及而又非無關重輕之事在官言官不敢曠職謹博採輿論上瀆宸聰區區之忱尤願皇上飭部早結此案以息浮言實為萬幸冒昧瀆陳伏乞皇上聖鑒

請變通科舉以育人材而強國勢疏 前 人

竊聞立政之要首在於得人得人之方莫善於選舉古者鄉舉里選論秀書升其立法為最公其得人亦為至盛後世古義不行改試詞章詩賦既不可得才矣宋明以來改用經義因將使天下人士誦習聖經發明聖道其制未為失也積久弊生流風頹靡漸而揣摩語氣漸而敷衍詞章漸而創為破承開講八股之體漸而發以截搭枯窘割裂之題甚至嚴定連上犯下之例又以代聖立言忌用子史後世之書拘縛體格沿襲墨調能者為孝廉為進士不能者或潦倒以終身天下學人但知讀書為弋取功名之具奚暇講求義理研說經濟哉至於殿廷考試本

續修醴泉縣志稿 卷十二 藝文一 一 一 西 安 西 山 書 局 代 印

無重試帖楷法之明文而日久弊生遂成風氣展轉相師牢不可破若或不工雖曾史之學行管葛之才具亦將沉鬱幽滯無由陟清要而敷臺閣於是天下人士窮老盡氣敝精殫神不讀子史後世之書不講經濟時務之學專力無用之途以僥倖於科第夫天下之大四萬萬人之眾豈無豪傑之士知其所學之非哉然舍此則無以自見遂不得不抑志俯首以從事於無用之途耳夫盡四萬萬人而出於無用此士氣所以屈抑人才所以彫敝中國所以削弱而國家所以莫與任事者也然一統之世承平無事馴擾士氣歌舞太平猶或不至大害也若夫萬國並立才智相角競新政以強國競新學以智民稍一不逮弱亡

立見而我國人士猶令其銅聰明於八股楷法以之任內政辦外交事猶縛手足而與蒙獲角力蔽耳目而與婁曠鬥巧也雖欲不弱烏可得哉西人講求新學振興工藝既以之強國而智民矣中土人士英秀聰慧豈不能求學習藝以爭勝於西人哉但窘於八股楷法之途絕無暇日餘力以及他學乃至蔽聰塞明下無以振開風氣上無以毗佐國家禦侮無人乃見凌弱皇上亦何忍自窘其英秀聰慧之民而甘受西人之凌辱哉故今日欲拒外侮宜求人才欲求人才宜變科舉擬請酌時觀變變通鄉會試之制頭場試以論說三篇首論古今政治得失及天下郡國利病次論外國形勢與其政治得失與敗強弱之故三

續修醴泉縣志稿 卷十二 藝文一 一 一 西 安 西 山 書 局 代 印

論中外交涉之宜二場試以四書五經題文使之講明義理闡發聖道不用八股體格不拘篇幅長短三場試以策問考以古今中外之掌故列邦政治之異同與夫一切時務之急要必能博綜中外通達時機乃能中式如此則既求實學必得異才若難驟於改革則仍以今日三場之舊而釐定四書文之體務令闡發大道緯以子史精義證以中外掌故不入語氣不拘篇幅不得仍用破題開講八股之體不得為連上犯下之禁違者以違式論二場詳考以經義三場專策以時務至於生童歲科試則以經古為正場試以經濟六科之一務使通達內外乃可入學然後試以四書文仍以發明義理為主不得用八股體格若

夫朝考殿試臨軒重典尤當博稽中外援據古今切實對揚條陳得失除去忌禁使得縱論事宜改用謄錄使勿敷塗楷法舊習既去新學自興中國之大何患無才哉然皇上去歲亦詔令策問時務矣而有司奉行不力故人士觀望不變不神請特下明詔布告天下改變科舉釐正文體使天下學子士人咸曉然於皇上變法之意利祿之路萬眾爭趨數年之間必有通達政治總貫中外能發新學能知新藝以備皇上緩急之用者人才成敗國勢強弱即在此轉移之間耳論者謂數百年成法何可輕變試思總署之設鐵路電綫郵政銀行鑛務銀元機器諸局請學堂之設何以非變法乎且武科弓矢已變而為槍炮矣况

續修禮縣志稿

卷十二

藝文一

一四 西安西書局代印

文科關繫尤鉅耶伏讀康熙二年聖祖仁皇帝詔曰八股文章實於政事無涉自今以後將浮飾之八股文章永行停止惟於為國為民之策論中出題考試欽此仰見聖訓煌煌超越今古惜廷臣狃於故習未能實力遵行丁未會試後仍蹈故轍以至今日然在當日國勢猶之可也今非其時矣伏願皇上仍以聖祖之心為心毅然獨奮乾斷飭部議行儻有意存阻撓力主廢格者立予懲處其於育人才而強國勢必非小補臣愚昧之見是否有當伏乞皇上聖鑒訓示施行

變通鄉會試片

前人

再今日之弊在於士大夫但知泥古而不知通今公法時務等

書平日未嘗寓目談經術詞章則有餘論艱難宏濟則不足朝廷知其然也於是凡關係洋務者不得不暫寄之淺學齷齪之輩而操利權懷詐設者必區測措紳恥與為伍朝廷無從推求此終年談洋務而時局日棘也欲挽此弊必先儲材儲材之原在於變通鄉會試夫國家設科原為求賢今日之事孰有急於交涉大於富強者乎而鄉會掄才三年一舉費百餘萬之帑金所得仍非所用及至入官乃始盡棄其所學而學焉前此之光陰虛擲後此之精力漸衰况又不能專心致志此通才所以難也計惟變通科場舊制俾士子交相鼓勵庶風氣由此漸開夫四子五經之文有關世道人心雖千萬世不變可也至於第三

續修禮縣志稿

卷十二

藝文一

一四 西安西書局代印

揚之策問不過推敲經籍字句子史異同即詢及時事亦不過畧舉數端且自石印書出懷挾益精字字鈔背人人馬鄭尤為今日場中大弊擬請飭下禮部酌量變通凡鄉會第三場並各項考試策題專取時務為問上自天算地輿籌邊防海鐵路輪船礦務郵政農商公法出使互市和約富國之大下至格致測量光電汽化種植火礮工藝製造之細一一詳細考問並破除一切忌諱准其各抒己見以規平日所學至於錄取尤宜以第三場為斷不得偏重首场其西國圖書應令總理衙門擇其有裨實用者頒各省書院刊布以資平日講習其未經譯出之書并令各國出使大臣博採精擇陸續譯印以廣見聞庶迂疏之

官化爲有用之才而爪牙干城之選在在皆是矣是否有當
謹附片具陳伏乞聖鑒

請殿廷考試不得專重楷法片

前人

伏查殿廷考試及各項考試本無專重楷法明文近來師友相
傳牢不可破實開關節之門有乖求才之旨夫能作工楷不過
一騰錄之才耳以三年大比之盛典天子臨軒百官陪位而乃
求一騰錄之才賜以及第號爲得人名實之乖莫此爲甚相傳
西人初入中國有持殿試卷以歸者謂中土莫重於此卷堂堂
大邦必有取義求其故而不得乃取其卷化分之以格致之法
測驗之終不知其用意所在存而不論近則深知其弊肆口笑

續修醴泉縣志稿

卷十二

藝文一

一五西安西山書局代印

謾矣此雖傳聞之辭然楷法取士實爲積習之弊取笑外人所
關始非細故且關節之弊由此而生相習成風不以爲怪既非
所以勵實學亦復不能得真才臣以爲八股之弊既除楷法尤
不當沿用伏乞再降諭旨凡此後所有殿廷考試皆依鄉會試
之例一律糊名易書其於獎實學而杜作弊實非小補臣愚一
得之見謹附片瀆陳伏乞聖鑒

請改總署爲外部疏

前人

竊維學必專精而後可以應變器必素選而後可以適時自頃
強鄰四逼事變紛如固邦交尊國體非體用兼該周知四國者
不爲功乃皇華之使載途專對之材無幾一遇瓜代猥庸雜進

礙礙市井之流因得濫竽其間貽譏鄰封非細故也推原其本
皆由才不預選事非夙諳以致種種棘手耳查總理各國一署

專辦互市和約聘問交鄰等事其署中章京則取關部之中書
主事記名充當傳補後四日當總署差四日當本署差本署則
食俸之長資當差之短資一概不停總署則二年一保以獎其
勞其始則爲鼓勵人才起見不知兩署兼行志紛事廢其占本
署之升途奪本署之差使猶小也二年一保則花樣統歷各班
歷保數層則簡任較優各署考其學則無成稽其事則兩誤徒
糜好爵無補尺寸甚無謂也且創立之始事屬權宜原不妨兼
攝並兼今則總署之事倍切於各署而額缺不設兼行如故其

續修醴泉縣志稿

卷十二

藝文一

一六西安西山書局代印

何以專職守表萬邦乎擬請設總署滿漢尙書各一缺滿漢侍
郎各一缺滿漢郎中員外各二缺滿漢主事各四缺其尙書侍
郎缺出暫從六部中之尙書侍郎升調郎中以下照六部例按
序題升京察時酌保數員其已補郎中而曾得京察之員遇有
出使即可作爲參贊參贊年滿無過可充小國正使小國正使
年滿無過可充大國正使數年之後本署尙書侍郎出缺即可
以之補授無庸由別署升調矣仍請特簡德望崇隆熟悉時務
之軍機王大臣總司其成如此則堂司各官皆以此爲專門之
學用志不紛實事求是歲費無多而才不可勝用矣仍令內閣
六部歲保數員屆試後全數傳到作爲額外行走以其曾在各

部當差應免學習凡貢生捐納俸滿推升以及部選各項概不准掣入總署專用考取以符定章其序補管股章程俸銀俸米等項可依照各署成例酌量辦理衙門即可改名外部憲綱在工部之次且可與達成館相輔而行而較彼尤爲有基可憑妥便易舉異日卿才蔚起樽俎折衝國體日隆邦交日固皆於此基之矣臣愚昧之見是否有當伏乞皇上聖鑒

請設立議政處疏

前人

竊維國初有議政之設六部有交議之事皆所以揆度事情抉擇可否行之邦國施之民人者也自設立軍機處議政之員遂罷六部交議之件皆臣工隨時條奏率非國家大政大疑而翰

續修醴泉縣志稿

卷十一

藝文一

一七西安西山海關代印

詹科道九卿集議之舉在當日時時有之今則獨有朝審一事尙存舊制而一切大政大疑均由軍機大臣議論裁決或會同別署而已時局之棘莫棘於今日今日之關係亦鉅矣今日之庶務亦殷矣而奠危康險責諸數人萬緒千端決於一旦理繁數隨尺短寸長揆諸時務或似合而實離施之天下或始集而終殆書曰詢謀僉同又曰汝則有大疑謀及乃心謀及卿士謀及庶人謀及卜筮蓋不虛衷則理不顯不博采則事不明也泰西上下議院深得此意其所以強耳朝廷近年以來推廣各省學校改三場策問今復設經濟特科採幹搜岩有若饑渴然而緩不濟急者所論皆儲才之事非能解眉睫之危也以中國之

大沐浴祖宗德澤二百餘年豈真無康濟時艱通達體用其人以療目前之急哉或屈抑下僚或隱處巖穴不招之不至不用之不出耳今擬畧師泰西議院之制仍用議政名目設立議政處一區與軍機軍務兩處並重令各省督撫舉實係博通古今洞曉時務體用兼宏者各一人令京官一品以上共舉十人無論已仕未仕務限一月內出具考語咨送吏部引見後即充當議政員以三十員爲限月給薪水輪流住班有事則集不足則缺凡國家大政大疑皆先下議政處以十日爲限急則三五日議成上之軍機王大臣不可則再議軍機覆核無異乃上之皇上而裁斷施行焉蓋合衆通材而議一事可決其算無遺策矣

續修醴泉縣志稿

卷十一

藝文一

一八西安西山海關代印

行

詩

唐

春日醴泉杜明府承恩五品宴席上賦 岑 參

鳧鳥舊稱僊鴻私降自天青袍移草色朱綬奪花然邑裏雷仍震臺中星欲懸吾兄此棲枳因得賀初筵

夏初醴泉南樓送太康顏少府

岑參

何地堪相餞南樓出萬家可憐高處送遠見故人車野果新成
子庭槐欲作花愛君兄弟好書向穎中誇

谷口書齋寄楊補闕

錢起

泉壑帶茅茨雲霞生薛帷竹憐新雨後山愛夕陽時閑鷺棲常
早秋花落更遲家僮掃蘿徑昨與故人期

遊輞川至南山寄谷口王十六

錢起

山色不厭遠我行隨趣深蹟幽青蘿徑思絕孤霞岑獨鶴引過
浦鳴猿呼入林寥寥百泉裏一步一清心王子在何處隔雲雞
犬音折麻定延佇乘月期招尋

續修醴泉縣志稿

卷十一 藝文一

一九四四年西華書局代印

適谷口元贊善所居

李端

入谷訪君來秋泉已堪涉林間人獨坐月下出相接重露濕蒼
苔明燭照黃葉故交不一見素髮何稠疊

過谷口道士

司空曙

一見林中客閑知州縣勞白雲秋色遠蒼嶺夕陽高自說名因
石誰逢手種桃丹經儻相授何事戀青袍

行次昭陵

杜甫

舊俗疲庸主羣雄問獨夫識歸龍鳳質威定虎狼都天屬尊堯
典神功協禹謨風雲隨絕足日月繼高衢文物多師古朝廷半
老儒直詞寧戮辱賢路不崎嶇往者災猶降蒼生喘未蘇指揮

安率士盪滌撫洪鑪壯志悲陵邑幽人拜鼎湖玉衣晨自舉石
馬汗常趨松柏瞻虛殿塵沙立冥途寂寥開國日流恨滿山隅

重經昭陵

杜甫

草昧英雄起謳歌歷數歸風塵三尺劍社稷一戎衣翼亮貞文
德不承戢武威聖圖天廣大宗祀日光輝陵寢盤空曲熊羆守
翠微再窺松柏路還見五雲飛

秋日過昭陵

劉滄

寢殿徒悲劍與冠翠華龍馭杳漫漫原分山勢入空塞地匝松
陰出晚寒上界鼎成雲縹緲西陵舞罷淚闌干那堪獨立斜陽
裏碧落秋光烟樹殘

續修醴泉縣志稿

卷十一 藝文一

一九四四年西華書局代印

秋日登醴泉縣樓

劉滄

閉上高樓時一望綠蕪寒野靜中分人行直路入秦樹雁截斜
陽背塞雲渭水自流汀島色漢陵空長石苔紋秋風高柳出危
堞獨聽哀蟬日欲曛

送戴三徵君還谷口舊居

釋理瑩

巖穴多奇秀弓車屢遠招周王尊渭叟穎客傲唐堯出處天波
合關河地勢遙瞻星吳郡夜作霧華山朝清論虛重席閑居飲
一瓢漁歌思坐酌宸幄龍行軺春為荷裳暖霜因葛屨消層崖
懸瀑溜萬壑振清飈谷鳥猶遷木場駒正食苗謝安何日起台
鼎佇君調

咏谷口

胡曾

一日天貞近水流虎爭龍戰為諸侯子真獨有煙霞趣谷口耕
鋤到白頭

宋

昭陵六馬

張耒

天將割隋亂帝遣六龍來森然風雲姿颯爽毛骨開颺馳不及
視山立傲莫回長鳴視八表擾擾萬駑駘秦王龍鳳姿魚馬不
足搖腰間大白羽中物如風雷區區數豎子縛取如提孩手持
掃天帶六合無塵埃艱難濟大業一一非常才惟時六驥足績
多英衛陪功成鏘八鸞玉輅行天街寂涼昭陵闕古石埋蒼苔
續修醴泉縣志稿 卷之二 藝文一 一 一 西安西山書局代印

元

經谷口

黃元鎮

谷口橋邊日未斜先尋宿處近梅花分明聽得吹長笛祇隔紅
欄第一家

其二

谷口橋邊尋隱君山中幾時經白雲青霜滿天柏葉赤石上水
聲終夜聞

明

過醴泉

王子都

曾聞醴泉銘今幸親履斯曾聞醴泉美酌言試嘗之厥色白於

雪味厥甘如飴乃知山下泉不比川流漸旨哉洗耳人亦有滄
浪詩君子凜貪泉戒水如戒醜一勺慎三爵庶幾知止宜

竟昭陵陪葬碑

趙嶠

遙望九變山古冢何纍纍上有名王宮下藏賢臣衣結髮等苦
樂焉能不相隨冥廬長安寢揚名觀豐碑文彩耀天壤書篆蹟
嶽奇日月既以邁金石率草萎守家非昔人誰知倅與頽兵燹
揚無停時田父怒其害約結皆操錐斷者去溝壑存者字亦稀
生面開凌煙感彼杜甫詩英姿罷颯爽悲思徒空垂又無葱菁
樹靈爽何所棲日暮聊聘眺長嘯增欷歔

續修醴泉縣志稿

卷之二 藝文一

一 一 西安西山書局代印

又將登昭陵阻大風雨

前人

君不見九變山鴻濛突出涇渭間岡峰橫截青天色俯視日月
如雙丸怪石鎔舒勢絕斗大者鯨吞小虎吼唐帝龍髯此上升
玉柙珠襦今何有御道曾聞鳳輦臨玄宮不復熊羆守悲哉文
武之臣附蟄冢纍纍千秋魂魄能相依余也過之生慷慨腰有
長虹倚翠微恍惚似聞神靈怒鞭驅龍兮叱馮夷澎澎湃狂
風驟雨如翻浪山精木鬼白日爭跌宕疑是浴鐵三萬自東來
鼓吹前後聲悲壯又疑是褒公鄂公酣戰時大呼動天天震盪
君不見昨日天晴今日陰眼中之事等流雲漢家長陵竄野鼠
秦帝靈山空草痕願提一斗酒澆君青樹根盡瀧英雄恨千古

雨捲風文天地昏

謁昭陵

前人

眾山忽破碎突兀一峰青地脉蟠千里神功闢五丁風雲行殿
合松柏翠華停寂寞攀崑者何人問夜扃

煙霞洞

前人

流水柴門曲曲斜青山有洞鎖煙霞野人不識當年事笑道隣
無姓鄭家

唐石馬圖

倪子敬

厲精墜地雲氣黑龍媒貢自那耆國英風颯爽生天閑白玉鳴
珂紫金勒石闌干外草茸茸一聲嘶斷落花風只今萬乘巡遊

少立盡芭蕉日日紅

宿醴泉不味懷古鄉別墅

蘇志臯

遠寺鳴鐘急敲殘隴月初醒多鄉夢少病久官情疎舊宅妨巢
燕枯藤碍結廬主人今白髮猶滯衙門車

謁昭陵

劉永

野菊叢叢欲傲秋興高策馬上陵頭當年龍虎千靈衛此日牛
羊滿岔遊玉寢荒涼無識處石文斷蝕不堪收時人若問隋唐
事空使山前草木愁

谷口懷古

趙應魁

谷口城荒數百年層層瓦礫遍平田往時世代浮雲幻誰氏門

庭野草鮮豆黍苗榮春雨後牛羊笛靜晚風前子真已去名猶
在信有餘光啓後賢

重過昭陵

傅振商

九變山色隱龍蟠猶想松楸古殿寒七德不聞弓劍地一抔聊
當鼎湖看嘶風六駿蒼苔沒扈殞元勳片碣殘神武更摧安史
亂御營生氣自桓桓

發咸陽次醴泉懷古

龍膺

原沙莽莽凍雲流極目偏增異代愁苔蝕碑陰圖紫鷲槐蟠屋
角幻蒼蚪灰飛秦燼空歸漢瓦解唐墟倏易周莫訝醴泉泉已
竭銅駝荆棘幾千秋

續修醴泉縣志稿

卷之二

藝文一

一四 西安西華書局代印

洪堰水利

李琰

山斷岩曉水出洪前人從此樹奇功穿開峻石千層阻導出涇
流百里通東作灌溉禾黍盛西成飽煖室家同任他菜色盈關
陝五縣黎民獨歲豐

題涇水

郭昭

涇河一帶水瀾漫風起揚波更激瀾過祭川河惟武帝能知天
女有張寬蔭濃翠影隨流滾激灑金波弄日盤不是當年神禹
鑿怎同渭水共涇涇

過泔水

陳情

泔河渺渺水東流父老相傳古渡頭兩岸蒙茸芳草地一溪漫

瀾白蘋洲征夫駐馬烟波濶過客呼舟風雨秋日落寒鴉歸野
浦漁歌互答且忘愁

飲醴泉酒次韻

張維新

天上酒旗爛地下湧醴泉中山名千日九變定幾年予
者雅嗜淡中玄

望昭陵

洪翼聖

英畧唐皇近古無文垂灑漢武攘胡九變想像荒原墓六駿空
傳石上圖宮闕併隨烟霧散江山幾換帝王符升沈世事何須
問不朽還應覓故吾

次醴泉

洪翼聖

醴泉勝迹幾番過每憶泉流味若何想是瑤池分玉液還疑天
漢落寒波清涼五內塵埃去飛灑千家潤澤多潯泊醒人誰識
得鷓鴣歡飲任婆娑

經西村見野老邀食

康海

野老支筇笑問余桃花飛處即吾廬尚思漉酒呼村妓可暫偷
閑駐小車指點杯盤無別饌坐談筐篋有農書雙鬢豁磊衣衫
古爾雅安閑我不如

登唐陵

陳于庭

望中唐室舊山河勝日登臨感興多三輔于今長帶礪九變誰
為屹嵯峨雲開秀嶂連屏廠風滌涇流一劍磨緩步徘徊千古

跡橫空駿景自婆娑

謁建陵

前人

花鳥三春暮河山幾代更尋芳長緩步弔古獨含情故道青苔
合荒陵淡靄橫咄嗟興復烈何似漢東京

谷口

前人

谷口清風遠漢秦花潭竹嶼隱高人仲山東峙開圖畫涇水北
來入渭津夾岸天桃新吐月巢林嬌鳥故鳴春千年勝地依然
在幾度曾逢鄭子真

過醴泉有感

祁伯裕

世路誰醒眼憂心如醉狂漫誇泉似醴我自愛滄浪

過方山舊居處

黃立之

曾逐孤舟背遠村清溪一去不知源于今莫辨秦人處野鳥潭
花即故園

送師達教諭醴泉

湯賓尹

公車暫輟試新氈今古長安度遠天路過關門凡幾日人依○
學又三年秋風石動昭陵馬夜雨雲開華嶽蓮共道揚雄工作
賦此來應得奏甘泉

題六駿

王雲鳳

秦王鐵騎取天下六駿功高畫亦優却笑白頭閣立本何曾解
畫一唯鳩

上昭陵絕處

范文光

巖懸萬古宅天築此佳城墨○留山色苔痕老駿聲君臣魂共
聚樵牧膽難行流水○衣外英雄別勝情

誰言歸地下隧道在雲岑怪作○人事幽移遊者心一流○○

遠三輔入煙深携友俱○○○無畏暮陰增入

唐太宗六駿

周伯器

百戰功成四海安君王方念守成難驂騑盡入飛龍廐時復牽
來仗裏看

清

懷鄭子真

楊筠

性僻輕簪紱風高洽隱淪那將貞白志輕惹軟紅塵道在煙霞
渺谷荒草木新惟留青史上孤節傲嶙峋

昭陵

楊筠

弓劍依層嶺蕭條歷數違草新龍碣老苔古駿圖肥靈爽君臣
聚精湮子姓微於今拱衛處只有白雲飛

池陽秋眺

沈似宗

偶作池陽客郊原縱目初峯山唐寢在古邑仲橋餘雁入遙天
沒泉飛曲洞疎秋風正蕭瑟渺渺日愁余

九峯山

張鵬翮

黃葉秋深覆故宮斜陽雁帶落霞紅煙籠六駿鸞聲歇雲鎖九

變樹影重涇水波搖千里月寒門晴捲五更風行人欲問昭陵
跡盡在嵐浮翠湧中

賦別同年厚齋裘明府

叢澍

百里非君志盤根暫借才遙知携鶴去無處不花開雨遍九
潤歌傳六駿來地靈常紀瑞應貢醴為醅

一自同蘭譜亡形慰索居劇譚情未已分手意何如古道堪回
俗新詩多起余天邊逢過雁莫惜數行書

送裘大令赴醴泉任

周清原

驛路薰風趁曉晴符分谷口領專城山邊泉水皆成醴郭外田
疇早種杭花縣竹簟新惠澤雞林早識舊才名栢臺梧掖方虛

左翹首同聽上苑鶯

裘明府將之醴泉賦此誌別

查昇

烏衣官閣總翩翩才子當今謝惠連一鶚早時傳日下雙鳧爭
親向雲邊入關地古餘青草近華天低聳碧蓮想見風流賢茂
宰栽花真欲到秦川

寄懷裘大令循卓

錢晉錫

別後相思又一年暫時分手莫留連雲橫秦嶺思君處書寄燕
臺蒼我便武將山頭尋古蹟醴泉宮畔訪前賢公餘政事知多
異早入春明報最先

谷口鄭子真舊居

陳維

散髮窮岩寄獨醒肯容朱紱涸柴扉
峰遞晚青歌劇自招鶯下拍醉深時
許鶴看餅至今谷口修蘋藻
悵望雲鴻月滿汀

雨後望昭陵

前人

雨後昭陵景色稀
文皇弓劍此中歸
九原不聽徐妃諫
又向山頭建翠微

望九變昭陵

周垣

鬱葱佳氣望巖山
百丈丹梯逸莫攀
石色寒雲人跡遠
松陰斜日鳥飛還
明良想像君臣際
陵谷依然天地間
慚愧風塵還短褐
只今猶自客秦關

續修醴泉縣志稿 卷十二 藝文一 一九四四年西華書局代印

送裴循卓明府之任醴泉

汪霖

雙旌獵獵向秦西
立馬銜杯惜解携
豈有鳳鸞棲枳棘
覽輝早傍帝臺飛

醴泉宮殿委溝塍
八月秦川穀盡登
身世却逢全盛日
不須懷古望昭陵

古望昭陵

十年我亦賦西征
晉水秦關入漢京
三十長亭曾宿處
巡檐爲覓舊題名

過李秀才文祥墓

宮耀亮

池陽課士自年年
一閱佳篇一爽然
今日城南村路過
野花如繡小墳前

醴泉舊縣

閻明鐸

赤縣名雖在年深只墮垣
斷碑苔篆古六駿土花昏
甲第衣冠盡昭陵
草樹繁倚闌頻悵望寒日下平原

同人謁昭陵

梁祐

携手步天風盤回上遠空
兩山分御仗八水護幽宮
峰踣寒蛟縮霜飛石馬驚
當年宏帝業今但問熊羆

洪口堰

王孫琰

行行策馬郊○來直上層巒
百尺隈下顧千尋翻濁浪
澎湃滾滾雲雷石劍攢空
恣跳踔天地震盪顛且摧
蛟龍戢鱗不敢怒鳥鵲委
翅鳴叫哀江南汪濊稱尾
閭黃流蹈海安在哉長安

續修醴泉縣志稿 卷十二 藝文一 一九四四年西華書局代印

帝都百代建胡未摧倒滋疑
猜吾爲怵惕更憂慮神禹恐
未安根亥下裂地軸深無底
上摘星辰灑九垓生平意興
無空澗更喜奇氣誰能裁

昭陵

高爲炳

功業垂千古山陵下萬年
翠華停絕巘園寢照長川
石馬曉霜發碑文綠字鐫
而今漫蕭瑟疎柳罩輕烟

謁昭陵

王佩蘭

策馬九變下樞衣到絕巔
三峯連華嶽孤嶂接遙天
龍虎蟠王氣風雲起暮烟
乾坤留萬古唐業已蕭然

贈廣參

清江道人

了得人空法亦空琅函金檢白雲封乾坤既挂一輪月生死何
勞半夜鐘無字奇文霞製錦藏形寶劍雪為鋒相逢借問蒲團
事下手誰裁石上松

以上見蔣志

假月莊遺懷

丙辰年
有於
無梅
花
有
成
而
作
有

邑人 張毓秀

三友園中祗少梅百花頭上有誰開天公似重調羹品不共羣
芳委草萊

丁巳館中閑咏

前人

身世渾無事舌耕度歲華隔簾千個竹映案一盆花得意非關

續修醴泉縣志稿 卷十二 藝文一 三二一西安西山路局代印

酒清心祗用茶閑遊逢野老相對話桑麻

培蘭別墅

前人

名園暫寄跡舌耕當躬耕簾疎通燕語花密碍人行坐看變山

色眠聽湮水聲良辰逢舊雨把臂訂詩盟

秋夜

前人

閒中景物自關情况值秋宵氣更清最喜小軒風定後蛩音恰

和讀書聲

乙丑暮春感懷

前人

搗得玄霜尚未成雲英一去杳無蹤王京有路知何處惆悵藍

橋空月明

壬戌回亂城防雜詠

邑人 王文价

調停幸仗邑侯賢邑左泉縣任回漢蒼生必兩全邑北鄉有與民和

好為息浮言懸示切邑初縣公詳陳大義立心堅邑告示

傳以安高車已遣和番使邑文月十七日單騎還將約誓

天五月初四日大書門邑文月十七日到底奸回知感德臨行救淚頌青

紛紛滿地起干戈百雉無存喚奈何邑泉縣幸有蒙恬籌度

好邑泉縣還憑下式樂輸多邑泉縣雷鳴紫陌拉車動浪

捲紅塵水擔過此後鄉民欣得所崇塘徹夜聽長歌邑泉縣

不怕修城怕守城每逢日落恨偏生風寒土壘燈千點邑泉縣

月冷蘆棚漏五更邑泉縣令箭頻催眠不穩官燈未到夢先

驚惱人最是風霜夕斜倚敵樓坐到明邑泉縣

冲天烈焰逼人來聚眾登城驚且猜邑泉縣火影

遙催人影亂車聲緊逐哭聲哀邑泉縣

就否人間屋舍半成灰邑泉縣

邑侯有母更施仁俯念城頭眾子民邑泉縣

肯捨廉金重補舊頓教廣廈悉成新風寒五夜難侵骨邑泉縣

露下三更不到身為問局中諸領袖此城可許號夫人邑泉縣

漫道愚民未習兵公侯此日有干城始誠招勝民浩大人皆斬木無須

刃士盡持竿不用旌按十抽釐糧已足逢三練隊技尤精抽於房

炮發指以精糧製供勇為官清到底蒙神助井內連珠纍纍呈

邑北街相安寺備井得大炮九尊

防守纔誇樣樣強撐天忽換一枝梁文同公致仕梁同心熊虎誠

堪慮心五城公撤勇結之同附肘豺狼轉未防進公帶四子二名怕聽斗

刁鳴夜鏑為城上打更放炮之多添精壯衛琴堂防號守大堂如何飲

食思君子杜技先教去道旁城守營杜某去之

重三正好踏青時鞞鼓潛來吏不知日同誠匪忽來城下三家上頭

顯魂隱約首賊教上人壕邊骨骸血淋漓願留玉帶酬恩主上同城公

續修醴泉縣志稿卷十二 藝文一 三三二 西安西山書局代印

以天機以之賦託買絲鞋賞健兒姓賦一家因均出後知保李無所留即

茶飲火託買而鞋惟有相如猶臥病牀頭謔語尚驚疑

閉却城門夏歷秋官民束手祇生愁泉城五月九十三日賊去乞

師欲效秦庭哭遣使全成楚國囚多諸被殺者膏盡羊脂添路口中城

油畫代之牛矢來馬革護人頭皮守城者而以牛馬背城一戰真奇算

值死能生古語符念六月初六日賊城大池

千家日夜盼來兵及到兵來恨又生院對窺山看聚米步雲將駐王

院書池開泮水列為營駐都司李萬春出師未捷牛先犒丁王營日勇

院書遇敵無援馬已烹馬行某城南某全軍覆沒一自雷聲山下過

院書正九月過境軍門多多益善奏承平體多陝西軍大定阿通

汧上題

邑人 宋伯魯

土囊曲屈歎晴煙消盡殘陰洞窅妍洞底水聲猶作雨樹頭山
色欲黏天岸花閒逐微風墜野屋都隨斷壑偏堪羨溪邊來去
鳥一生歡樂不知年

郊望

前人

夕陽明滅亂平蕪風景撩人似畫圖野水澗餘雙岸闊蕭蕭蘆葦
盡一橋孤煙霞隨處成吟嘯人物經年互有無向晚霜郊頻極
目數行衰柳帶啼鳥

與祭昭陵

前人

燈火燒空徹夜紅亂山殘月馬啼風莘莘鼎俎嵐光外簇簇旌
纛修醴泉縣志稿卷十二 藝文一 三四一 西安西山書局代印

旄曙色中神駿祇今餘斷石蒼鷹終古鎮幽宮豐碑一片資防

護鐵畫銀鈎字字雄防護昭陵碑

望昭陵有感

前人

雲壑煙巒碧萬層孤峯聳處是昭陵萬年老柏參千仞甘種殘
碑值百朋金管無端隨白兔蘭亭枉自護蒼鷹茫茫浩劫誰能
救那有常明地下燈

登縣城眺望

前人

明駝鐵馬鎮蕭蕭睥睨橫關斥堠遙落日煙塵吹畫角終年風
雨送征輶城臨窺仲山層出路指伊涼柳萬條伏莽不驚鴻雁
集喜看村樹自岩堯

次韻王雲慕平園看菊

前人

三秋處處愁風雨尚有黃花向晚涼客至一樽陶令酒天寒半
畝范家香開携藜杖穿修竹獨捲風簾送夕陽此是老來真活
計年年相約醉清霜

重過唐家園借子嘉前輩仙舟戶部

前人

清遊良獨難每以人事沮或復堅要約中道逃風雨快哉此一
遊甘霖潤郊土出郭繁平林隱見林間戶入門記疇昔曲折識
廊廡粉蝶喜我來便娟向人舞紅蕖似怨別脈脈花三五相將
憩草亭時復步花陰庭陰愛白日溪風散芳杜急蟬斷還續遊
魚清可數吾輩本無爭結網安足取園丁進午茶濯我熱腸腑

續修醴泉縣志稿

卷十二

藝文一

三五 西安西山西書局代印

並坐各殊尚孤懷遺聞諸念昔同遊人聚散如毛羽離合那有
定後來孰實主勉力駐斯須斜陽掛城櫓

北江舊廬圖為徐居仁同年題

前人

琉璃井南海王右老屋數椽宮一畝云是北江之舊廬古木寒
藤掛虛牖先生伉爽氣蓋世大節清風在人口侵晨伏闕批逆
鱗日暮還山書在手蒼靈白藏幾代謝瘦石頽垣為君有深堂
突窻萬軸陳明月在窗風梳柳官閑術拙百不宜日理殘書勝
奔走秋英灼爍春草肥往往留賓縱棋酒破筆一床墨一笏眼
中豈有山谷叟同學少壯多奮飛駿馬新沂印懸肘中年展轉
憂貧病微祿聊且戀升斗袖中雜選出新詩但有和平無怨咎

揭來圖畫慎風微折角烏皮任科首落花滿屋青春深隨風聚

散何須帶北江此廬舊屬誰君今况又北江後旋灰代嬗羽箭
急姓字煙消十居九嗟君用心如古人文采風流兩不朽

送楊種珊前輩之官四川

前人

琵琶唱徹柳條新烽火連天萬里身共說西河迎郭伋曾從東
觀識劉珍明駝載雪三邊曙細馬尋花兩劍春笳鼓滿城雲物
改羨君不染帝京塵

雪中過秦嶺

前人 曹曠觀

秦中山水終南奇秦嶺之高尤躑躅半生讀書不出門無緣一
飽看山眼饑驅無方事依人屢筆辭家千里遠道經秦嶺轉商

續修醴泉縣志稿

卷十二

藝文一

三六 西安西山西書局代印

於一肩行李隨鴛蹇山行陟立徑曲盤百步蜿蜒須九轉我行
甫登半嶺高已如見月吳牛喘况兼北風雨雪寒途長石滑愁
天短忽驚廟貌煥丹青粉書新字懸楣扁云是唐朝韓吏部山
靈管領供驅遣公有雲橫秦嶺句得勿因斯崇祀典我瞻遺像
拜公前願行前路多平坦誠至靈通公似知移時雪止風聲緩
公能正直感衡嶽我何幸公鑒誠欵惟當日暮下山時愁雲嶺
各爭舒卷廬山真面未全窺乘興而來興盡返崎嶇直下數千
尺遠聞山寺鐘聲晚茅店迎客燈火明更聽信信吠籬犬

重陽遇雨書懷

前人

相期事登高愁聽夜來雨濕雲黯長天出門興偏阻黃花發幽

香秋容澹老圃唧唧寒蛩鳴長夜到庭戶感此時物遷益覺念
鄉土高堂有白髮瞻望陟岵岵茱萸思弟昆莫慰我心苦安得
逢良晨素心對三五賞奇兼斷疑任人謂朽腐時事不可知付
之不聞睹飽食得安居上蒼即福汝

捷報壬寅九月十三日秋園拈

前人

新霜破曉五更時報得桂林占一枝爭信科名由世德其中因
果盡人知一次中而抽取者再堂備五薦者四先嚴其時入公年十

科二十得會試西拔貢旋不中本二彈精著述忘辛苦八香院外別無子務於

此有不知唐詩有獨離香色何風氣始開之田先師師及門高足也

惜命文章有報施祖父勤勞遺澤厚嗟予仍恨顯揚遲三余十二年

續修醴泉縣志稿卷之二藝文一三七西安西山書局代印

豐前韻奉和宋菊塢

前人

瑤館羣仙醉羽觴如椽大筆挾風霜爭談鐵石心腸異能洗鉛

華時世粧夙仰高文崇泰斗豈堪窮老渡遐荒四命金城南

况有名園在花事三春總甚忙

昭陵六駿歌

前人

唐家創業掃羣雄馬上得之為太宗真人出世姿神武馳騁縱

橫駕六龍六龍神駿皆汗血陷陣衝鋒電警雙瞳垂鏡權協

月五花連錢蹄蹴鐵擒充戮寶西復東飛鏃血濺髮毛紅帝嘉

汝績傳不朽制贊圖形召石工琢成玲瓏氣深穩丹青不數閭

立本立仗永置昭陵宮萬歲千秋表忠悃於今陵殿久無主敗

瓦頽垣竄狐鼠獨留六駿尙嘶風猶指唐家一抔土何物奸人
居奇貨大車細載咸陽過縱說神物有護持到此已嗟缺兩個
我家結廬變山陽兒時習見真乘黃今日重逢長安市感時撫
事增惋傷吁嗟呼金人辭漢淚猶流應知六駿多煩憂歌成不
禁三歎息恍睹石馬向我齊昂頭

續修醴泉縣志稿卷之二藝文一三八西安西山書局代印